



光緒元年孟秋月

彭水縣志

板藏摩雲書院

彭水縣志

重脩縣志序

伊祁之世有龜厯焉獻自越裳紀開闢來事此
後世史志所由昉歟龍門史記不以志名孟堅
漢書爰有諸志按說文志意也从心之聲蓋心
之所之則意而不忘也山川人物古今事變繪
以圖載以籍身所不至而心已之焉故曰志也
彭邑本漢涪陵郡隋始置縣以彭水名寔字記

謂彭爲鼓聲峽水澎湃其聲似之故以名縣然
考伯翳山經帶山之下彭水出焉雖非必卽今
縣地而彭水之名實始見於此

聖朝休養生息民物阜蕃控楚連黔言厯事雜爲之
令者苦叢脞焉同治甲戌余捧檄來署邑篆始
下車進父老而詢之則邑中建置非不備也規
畫非不詳也民人亦非筵脔而難與圖功也若

祠廟若學校若津梁前之人皆嘗營度之然而
畫脂鏤冰糜日力而無成勞焉余爲憮然端居
深念董子有言琴瑟不調必解而更張之鼓舞
作興繫余之責於是擇其重且急者則自脩
聖廟始民踊躍趨功汲汲顧影懼弗蒞事

今上御極余奉檄重署乃克從容落成而其餘諸役
亦次第就理適 憲檄徵邑志邑人士以重脩

請余索觀舊志蓋創於前令陶公月山而嗣輯者則自前署縣張君春霆迄侯君文梁凡三年而成者也計籌經費緡錢千餘槁亦屢易宜若良工不示人以璞者迫閱所紀載則或贅焉或畧焉體例或矛盾焉點畫或魯魚焉是誠不可以不脩爰謀諸邑紳開局重輯刪其蕪補其闕冗者汰之訛者訂之圖考沿革諸條余於案牘

之暇亦取而手定焉自四月至七月而書成付梓或獻疑曰舊志以三年成而其書如吉光片羽邑人士皆罕覩焉何也余應曰是不難知宋人刻玉三年爲楮使天地亦三年而成一葉則物之有葉者寡矣今彭邑以三年而成一志宜邑之有志者寡也若余之重脩斯志則固將布之學宮傳之鄉序俾邑中俊彥家置一編得以

通夫一邑之掌故不至貽疑廢駭毳之譏也庶
其可乎

皆

光緒元年歲次乙亥孟秋月中浣元和莊定域

範村序

原叙

今上御極二十有四載一統車書萬國奉朔柴望徧禋而百神
懷柔崇師登古隆文異數而千聖道彰禮明樂和自唐虞
以來夏忠商質姬公所未逮之志於茲旣臻其大備至幅
幘遠廣河山壯圖史之觀垓埏獻職方之版稽之古而未
有也良以我

皇上德邁百王道範萬世庶績咸熙於彰教尤厯至意焉前
勅脩天下郡國志一時宇內郡縣皆仰承

德意各纂成書而蜀志告竣歷有多年矣夫蜀文物之邦也山

水奇險獨傲八州其在前代都豔左思之賦秀拔眉山之
翠蠶鄉陸海珍錯多產因有揚一益二之謠抑嘉陵濫瀕
江楫風帆可通秦漢吳越以達

帝京則巴渝尤西南佳鬱之處蜀志之巨擘也蜀志甫成而滇
氛蠢動烽連鐵鎬燭於漢鳳荆襄野火燒山虺風撼樹典
籍故牒消盡於凶豎焱燼之餘是蜀有志而無志也伏遇
文教昌明之世海隅日出之鄉山川形勝輿冊方書莫不釐正
矧五千里天府之國昔以著作表漢唐宋風氣之盛者今
聽其散佚而殘缺也可乎於是政府檄下再徵蜀志九郡

承風問故老而蒐文獻卽蠹簡殘編肯出名山石室之藏者不惜金錢以購下逮屬邑敬奉命焉提承之彭城下車之始卽以邑乘詢諸薦紳士僉曰幽巖邊隅之區仰瞻天光昧乎聞見前無作者後乏述焉蓋宕渠渝涪古巴子國也昔二南睢麟之盛爲江漢王化之域迄今流峙如故遺跡依然古道醕風猶在蜀山黔水之間彰先廸後何可無志志者邦之紀也事有關於之綱之紀者筆之削之溫寓華袞嚴如斧鉞前事之得後事之師也操穎定衡邑人士之事亦有可責也星分辨妖祥豐凶之象山川載佳

麗流漪之舊畦
畛晰阡陌繡錯之界
建置詳沿革之由
貢賦別三壤之則
郵徭料齒數之版
殖產知地利之宜
官師列簠簋之節
高尚闡幽潛之德
遊寓留詞客之跡
選登列俊乂之科
而且名英者碩著
往行之才能孝節
忠貞表淑懿之姬
媛文章詞賦揚藻
薈之奇葩水旱盜
賊嚴防杜之戒
畏凡以陳旣往而
告將來鑑淑慝而
示勸懲公好惡而
輔直道上贊

朝廷刑賞忠厚之至
下裨人心風俗之正
烏可以無志然而志
不易也志與國史相
表裏者也古不具論
明以前豔稱廿

一史其足流馨而無穢傳信而不贖者幾家哉故昔人謂
學識才缺一不可志固不易也而志彭則尤難何也三百
篇亡而狩麟之旨以續春王正月之書有成而後紫陽之
筆以著雖聖賢之才述而非作必有因也今彭未創也奚
以爲繼雖然一畫未起龜龍尚隱其時天地且不有也何
有於疆宇人民何有於食貨典禮結繩畫像之世未嘗有
弓幣鱗撻也何有於典謨訓誥大抵運會興而草昧開時
至卽事起之會故曰道從無極而生也恭逢

道隆休徵之日因時立言則作而亦述創而猶繼焉倘必欲爲

其繼也誰當爲創彭將終古無志矣請進諸君子而登作
者之堂舉前人之有志未逮者一旦蔚然能興千年石鼓
遇茂先而始鳴矣於是手運雪腕筆灑瞿塘攜撫羣議歸
核嚴正甯樸而不華甯簡而不繁務期文以傳質俾後起
者有所憑式庶幾言無罪焉耳閱兩月而琅然成帙將以
是上之執事供之輜軒宣諸史館得附於

皇圖一統昭垂萬禩之冊其亦良史之班也歟

皆

康熙二十有四年乙丑夏五月知彭水縣事聞喜朱爾捷撰

原叙

彭之邑在巴渝之東偏本五溪地自漢始沐聲教其繡壤
與楚蜀土苗相錯故蜀地多名賢而彭以荒徼其人物治
蹟之彪炳當時光昭史冊者攷於古亦勿多見至其山川
之奇瑋瑰怪令得生遇一代之偉人探搜名勝則巒岫之
嶽崎詭狀摩天插雲濤浪之撼嶽傾川瀑流復湍皆得以
跨峙劍閣傲凌三峽迺以地鮮鍾英而文士騷人跡復不
到以致奇瑋瑰怪之雄跨川蜀者且勿能顯傳其名勝故
夫彭以僻壤安於喬野而文獻虛荒畧莫可考證者自昔